



# Hörgársveit

# Fréttabréf

16. febrúar 2015 6. árgangur 2. tölublað

## Snorri Finnlaugsson

fjármálastjóri Steypustöðvarinnar ehf. í Reykjavík, hefur verið ráðinn sveitarstjóri í stað Guðmundar Sigvaldasonar. Snorri er fæddur árið 1960. Hann er giftur Sigríði Birgisdóttur, þau eru nú búsett í Hveragerði. Snorri mun hefja störf um mánaðamótin apríl/mái nk. Aðkoma hans að sveitarstjórnarmálum á undanförunum árum er mikil og hann var m.a. í forystu bæjarstjórnar á Álftanesi í endurskipulagningu fjármála sveitarfélagsins og sameiningu við Garðabæ 2010-2012.

Af öðrum verkefnum Snorra á sviði sveitarstjórnarmála má nefna: Bæjarritari á Dalvík 1982–1986, bæjarfulltrúi á Álftanesi 1998–2005, bæjarfulltrúi Sveitarfélaginu Árborg 2006-2008, formaður stjórnar Atvinnuþróunarfélags Suðurlands 2006-2008, forseti bæjarstjórnar og bæjarráðsmaður á Álftanesi frá júní 2010 til ágúst 2012, formaður stjórnar Sambands sveitarfélaga á höfuðborgarsvæðinu 2012 og bæjarstjóri á Álftanesi ágúst 2012 – des. 2012.

## Auglýsing um frummatsskýrslu

Frummatsskýrsla um efnistöku í Hörgá er til umfjöllunar hjá Skipulagsstofnun, sbr. lög um mat á umhverfisáhrifum nr. 106/2000. Skýrslan liggur frammi á skrifstofu sveitarfélagsins til 26. mars 2015 og er aðgengileg á vefslóðinni [http://umis.is/Files/Skra\\_0070131.pdf](http://umis.is/Files/Skra_0070131.pdf)

Athugasemdir skulu vera skriflegar og hafa borist Skipulagsstofnun eigi síðar en 26. mars 2015.

**Hörgársveit**

**Sími:** 460 1750  
**Netfang:** horgarsveit@horgarsveit.is  
**Póstfang:** Þelamerkurskóli, 601 Akureyri  
**Veffang:** www.horgarsveit.is

# Údráttur úr fundargerð sveitarstjórnar

Fundur nr. 55 12. febrúar 2015

Mætt voru: Axel Grettisson, Ásrún Árnadóttir, Helgi Bjarni Steinsson, Jóhanna María Oddsdóttir og Jón Þór Benediktsson

## **1. Laugaland, breyting á eignarhaldi**

Rætt um fyrirbyggjandi upplýsingar um breytingar á eignarhaldi jarðarinnar Laugalands, m.a. í ljósi ráðgjafar frá Stefáni Ólafssyni hrl.

*Sveitarstjórn samþykkti að því verði lýst yfir við Legat Jóns Sigurðssonar og Norðurorku hf. að sveitarfélagið telji sig eiga samningsbundinn forkaupsrétt að Laugalandi og að höfðað verði dómsmál til að fá hann viðurkenndan, ef þörf krefur.*

## **2. Ráðningarsamningur sveitarstjóra**

Lagður fram ráðningarsamningur sveitarfélagsins við verðandi sveitarstjóra, Snorra Finnlaugsson. *Sveitarstjórn staðfesti ráðningarsamninginn.*

Helgi Bjarni Steinsson vék af fundi undir þessum dagskrárlíð, í stað hans sat María Albína Tryggvadóttir fundinn undir þessu dagskrárlíð.

## **3. Fundargerðir heilbrigðisnefndar 12. nóvember og 18. desember 2014**

Fyrri fundargerðin er í þremur liðum, auk þriggja umsagna um skipulagsáætlanir og tólf umsókna um starfsleyfi. Seinni fundargerðin er um fundargerðin er í fimm liðum, auk einnar umsagnar um skipulagsáætlun og níu umsókna um starfsleyfi. Engin þessara liða varðar Hörgársveit með beinum hætti utan ein umsókn sem ekki var afgreidd.

*Fundargerðirnar gefa ekki tilefni til ályktunar af hálfu sveitarstjórnarinnar.*

## **4. Fundargerð framkvæmdastjórnar byggingafulltrúaemb. 29. jan. 2015**

Fundargerðin er í tveimur liðum, um drög að samþykktum fyrir byggðasamlag um embætti skipulags- og byggingafulltrúa Eyjafjarðar og um stofnfund slíks byggðasamlags.

*Fundargerðin gefur ekki tilefni til ályktunar af hálfu sveitarstjórnarinnar.*

## **5. Byggðasamlag um skipulags- og byggingafulltrúa, stofnfundur**

Lagt fram fundarboð stofnfundar fyrirhugaðs byggðasamlags um embætti skipulags- og byggingafulltrúa fyrir Eyjafjarðarsveit, Grýtubakkahrepp, Hörgársveit og Svalbarðsstrandahrepp. Stofnfundurinn verður 13. febrúar 2015 á Grenivík. Einnig voru lögð fram drög að samþykktum fyrir samlagið.

*Sveitarstjórn samþykkti að Axel Grettisson fari með umboð sveitarfélagsins á stofnfundinum.*

## **6. Lánasjóður sveitarfélaga, lántaka**

Rætt um lántöku hjá Lánasjóði sveitarfélaga og fyrirhugðar framkvæmdir ársins sbr. fjárhagsáætlun ársins 2015.

## **7. Samningur um þjónustu við fatlað fólk, framlenging**

Rætt um samning um „Sameiginlegt þjónustusvæði í Eyjafirði um þjónustu við fatlaða“ frá árinu 2010 sem rann út í árslok 2014. Um er að ræða samning milli

Akureyrarbæjar, Eyjafjarðarsveitar, Grýtubakkahrepps, Hörgársveitar og Svalbarðsstrandarhrepps. Þjónusturáð sem starfar skv. samningnum samþykkti að leggja til á fundi sínum 11. nóvember 2014 við hlutaðeigandi sveitarstjórnir að samningurinn verði framlengdur óbreyttur um eitt ár.

*Sveitarstjórn samþykkti fyrir sitt leyti að samningur um sameiginlegt þjónustuvæði um þjónustu við fatlað fólk, sem gerðar var á árinu 2010, verði framlengdur um eitt ár.*

## **8. Búðagata 31-35, úthlutun**

Lagt fram tölvubréf, dags. 7. febrúar 2015, frá Guðbirni Þór Ævarssyni þar sem hann og Vilhjálmur Ingvarsson sækja um verbúðalóðirnar Búðagata 31, 33 og 35 á Hjalteyri.

*Sveitarstjórn samþykkti að úthluta Guðbirni Þór Ævarssyni og Vilhjálmi Ingvarssyni sameiginlega verbúðalóðunum Búðagata 31, 33 og 35 á Hjalteyri.*

## **9. Almennigur, stofnun fasteignar**

Lagt fram bréf, dags. 16. janúar 2015, frá forsætisráðuneytinu, þar sem óskað eftir er eftir að stofnuð verði fasteign (þjóðlenda) á Almenningi.

*Sveitarstjórn samþykkti að stofnuð verði fasteign (þjóðlenda) á Almenningi í samræmi við framlögð gögn, sbr. 14. gr. laga um skráningu og mat fasteigna nr. 6/2001.*

## **10. Ónæði vegna skotveiða**

Lagt fram bréf, dags. 8. janúar 2015, frá Sigurði Aðalsteinssyni um ónæði vegna skotveiða.

*Sveitarstjórn samþykkti að kannaðir verði valkostir í að kveða nánar á um það bann við ónæði og röskun á næturró, sem er í 1. mgr. 4. gr. lögreglusamþykktar.*

## **11. Hjalteyri, tilraun til að koma upp æðarvarpi**

Lagt fram tölvubréf, dags. 9. febrúar 2015, frá Guðbirni Þór Ævarssyni þar sem óskað er eftir leyfi til að gera tilraun með að koma upp æðarvarpi við tjörnina á Hjalteyri. Í tölvubréfinu er óskað eftir svörum við tilteknum spurningum varðandi málið.

*Sveitarstjórn samþykkti að vísa framkomnu erindi um tilraun til að koma upp æðarvarpi við tjörnina á Hjalteyri til gerðar deiliskipulags fyrir Hjalteyri.*

## **12. Verksmiðjan, styrkbeiðni**

Lagt fram bréf, dags. 25. janúar 2015, frá Gústav G. Bollasyni þar sem óskað er eftir styrk til að framkvæmda í Verksmiðjunni á Hjalteyri.

*Sveitarstjórn samþykkti að hafna beiðninni.*

## **13. Tónkvíslin, styrkbeiðni**

Lagt fram bréf tölvubréf, dags. 30. janúar 2015, frá Nemendafélagi Framhaldsskólans á Laugum þar sem óskað eftir styrk vegna „Tónkvíslarinnar“ sem er söngkeppni Framhaldsskólans.

*Sveitarstjórn samþykkti að hafna beiðninni.*

**14. Hið íslenska biblíufélag, styrkbeiðni**

Lagt fram tölvubréf, dags. 4. febrúar 2015, frá Hinu íslenska biblíufélagi þar sem óskað eftir styrk í tilefni af 200 ára afmæli félagsins.

*Sveitarstjórn samþykkti að hafna beiðninni.*

**15. Kosning í fulltrúaráð Eypings**

Rætt um kosningu eins fulltrúa af hálfu Hörgársveitar í fulltrúaráð Eypings, sbr. grein 5.2. í samþykktum samtakanna.

*Sveitarstjórn samþykkti að kjósa Axel Grettisson í fulltrúaráð Eypings.*

**16. Arnarnesstrýtur, tilnefning í umsjónarnefnd**

Lagt fram bréf, dags. 28. janúar 2015, frá Umhverfisstofnun þar sem óskað er eftir tilnefningu eins manns af hálfu sveitarfélagsins í umsjónarnefnd Arnarnesstrýta, sem friðlýst náttúruvætti.

*Sveitarstjórn samþykkti að tilnefna Axel Grettisson í umsjónarnefndina.*

**17. Landssamtök landeigenda, aðalfundarboð**

Lagt fram aðalfundarboð Landssamtaka landeigenda (LLÍ). Aðalfundurinn verður 13. febrúar 2015 í Reykjavík.

**18. Viðlagatrygging Íslands, mannvirki sem skylt er að tryggja**

Lagt fram til kynningar bréf, dags. 16. janúar 2015, frá Viðlagatryggingu Íslands þar sem gerð er grein fyrir þeim opinberu mannvirkjum sem skylt er að tryggja gegn náttúruhamförum. Meðal þeirra eru fráveitukerfi sveitarfélagsins.

**Næsti fundur sveitarstjórnar verður 19. mars í Þelamerkurskóla**

Dagskrá hans mun birtast á [www.horgarsveit.is](http://www.horgarsveit.is) 17. mars

## **Auglýsing um skipulag**

Í samræmi við 41. gr. skipulagslaga auglýsist hér með tillaga að deiliskipulagi fyrir Lón á Lónsbakka vegna stækkunar sláturhúss. Tillagan gerir ráð fyrir breytingu á heimreið að íbúðarhúsinu að Lóni.

Gerð er grein fyrir tillögunni á skipulagsupprætti í mælikvarðanum 1:2.000 og greinargerð.

Tillagan verður til sýnis á skrifstofu Hörgársveitar, Þelamerkurskóla, frá 12. febrúar til 7. apríl 2015. Einnig má sjá tillöguna á heimasíðu sveitarfélagsins, [www.horgarsveit.is](http://www.horgarsveit.is). Athugasemdir skulu hafa borist skriflega til skrifstofu Hörgársveitar eigi síðar en kl. 15:00 þriðjudaginn 7. apríl 2015.

Þeir sem ekki gera athugasemdir innan tilskilins frests, teljast samþykkir tillögunni.

10. febrúar 2015

Sveitarstjórinn í Hörgársveit